

Psal. 14. Das ist in margine, rohe/ lose leute/die nach
Gott nicht fragen/ sie sprechen in ihrem hertzen/ Es
ist kein Gott/ sie tügen nichts/ vnd sein ein grewel mit
ihrem wesen / da ist keiner der guts thut. Der Herr
schawet vom himel auff der menschen kinder/das er
sehe ob jemand klug sey vnd nach Gott frage. Aber
sie sind alle abgewichen / vnd allesampt vntüchtig/
da ist keiner der guts thuc/ auch nicht einer. Derglei-
chen stehet auch Psal. 53.

o. Etliche arme leut / wenn sie schuldig sein/ so le-
gen sie doch alle Jahr die *interesse* vnd zins ab/damit
die schuld nicht wachse/ vnd der gleubiger bey gu-
tem willen erhalten werde. Aber bey dieser schuld
vermögen wir armen vnd gebrechlichen leute keine
zins zu geben. Denn der Herr Jesus zeuget selbst
von der welt/das ihre werck böß sind/ Joh. 7. v. 7. So
jemand das ganze Gesetz hielt/vnd sündigt an ei-
nem /der ist gantz schuldig/ Jaco. 2. v. 10. Ja/ wenn
ihr alles gethan habet / was euch befohlen ist/ so
spricht/wir sind vnnütze knechte/wir haben gethan
was wir zu thun schuldig waren. Luc. 17. v. 10. Kön-
nen derowegen nichts gelten / nichts ablegen oder
bezahlen /die schuld ist zu gros/wir sind zu sehr ver-
derbet/wir sind zu schwach/vnd vnuermögend / wir/
samt vnsern Weib vnd Kindern/der barmhertzigē Kö-
nig mus sich vnser erbarmen / vns los geben/ vnd
auch